

۱ ذی القعدة ۱۳۳۱

پنجشنبه

۱۹ ايلول ۱۳۲۹

عدد — ۶۴

امور اداره و تحريريه و اعلانات و ساثره
ايچون مدير مسئوله مراجعت ايدالميدور.

صرفای امتك مقالات منصوفانه لرينه
جریده صوفیه تك حیفه لری
آچقیدر .

جریدای صوفیه

شیمدیلك هفته ده بر نشر اولنور .

نسخه سی ۴۰ پاره در

ابونه سی : بر سنه لك اعتباريله ممالك
عثمانیه ایچون ۴۰ آتی آیلغی ۲۵ فروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

تصوف فی دین و اخلاق و سایر احادیث اسلامی

مدار اوله مایور . همان جناب حق ، بو مات مظلومه اسلامیه عارض
اولان نکیتی ، عن قریب الزمان - سعادته تبدیل ابله جمله مزنی فرحیاب
بیورسون . آمین

محمد حلمی

کیرن مشتاقدر اول دودمانه کیرمیان مشتاق
مثال کعبه بر حیرتقادر مطبخ منلا
شیخ غالب

اک اصیل ترک خاندانی اولان اوغوز خانک
احقادی سلاطین عظام عثمانیه

محبت و منتسب طریق مولوی درلر

محترم (جریده صوفیه) نک (۵۹) نجبی نسخه سنده و طیار احمدخان .
سرلوحه ملی مقاله ده ، خاندان آل عثمان اکثریتله طریق مولوی بی
اختیار بیورمشاردر دنیا یور .
بناء علیه ، محرر عاجز ، مقاله مذکور بی توضیحاً و توسیماً ،
سلاطین سالفه عثمانیه دن هانکیلرینک محبت و منتسب طریقت علیه مولویه
اولدقلربی خبر ویرمچکم . تبعاً ، عالم مولویه منحصراً بولندربی
ایچون سلاطین مشار الیه مک سائر طرق علیه دن برینه منسوب اولویه
اولدقینی تدقیق ایتمک بالطبع دائره صلاحیتیم خارجنده در ، بو جهت ترک
تئویری ده ارباب فضیلت ترک ایده رک شروع ایدیورم .
شوبله که : مؤسس بنیان سلطنت ، فردوس آشیان سلطان عثمان خان ،
پدرلرینک حال حیاتنده مأموریتله قونییه کله رک سلطان بهاء الدین ولد
حضر تریله کوروش شمار و کندولرلنده مشاهده ایتدکاری آثار فضیلتله
بروده اولدق دست اناتلربی طومشاردر . [۶۲۱ - ۷۱۲]
غازی مجاهد ، سلطان اورخانک شهزاده عالیقارلری ، سلیمان پاشا
مرحوم ، فضیلت باهره سیله بین الجلیان مشهور و محترم اولان اولو
عارف چایی حضر تریلرینک دست اناتلربی طومه رق سکه پوس اولمشاردر
[۶۸۲ - ۷۳۱] شهزاده مشار الیه مک ، کلیولی مضافاتندن بولایرده
کائن مرقد معالری اوزرلنده کی صندوقه مک باش طرفنده موضوع و
صنعت نسجه اسلامک مثلی بولماز بر بدیمه پروریسی اولان سرپوش
مذهبی آلتنده کی سکه شریف ، ایشته اولو عارف چایی حضر تریلرینک
تکییرلهدکاری سکه متبرکه در .

شهزاده ییلدیزم یایزیدک ، آل مولانا ابله نسبت و قرانی معلوم
و آل کریمیان ابله نسب صهریت ایتدیکی مضبوط و بو اعتبار ابله چایی
سلطان محمد خان اولک نسبت مولویه سی ده باهردر .

التنجی پاشاهمز اولان سلطان مراد تاینک عادل پیر ثانی چایی ابله
مکتبلری معلوم اولوب ، حتی ادرنه مولویخانه سی تأسیس بیوردقلری
زمان ، قونی درگاه عالیسنه اصدار بیوردقلری فرمان هایون اوزرینه

هر نصله مذکور کتب سماویه نک شو هر ایکی نقطه لرله بعض جهتلری
تخریفات اوغرایه رق جان آله حق الک مهم نقاط لازمه ، اقوام مذکوره
نظرلنده برده خفاده مستور قالب کیتمشدر . بوقسه شیمدیکی دکل ،
اصل انجیل شریفده کلام الله اولق صفیه حاشا بوکون ارباب عقول
تزدنده عقل و منطقه مغایر اولان تثلیث بحق هیچ بر وقت ذکر
ایدله مشدر . بحث مذکوری شو کتاب شریفه اسناد ایتمک قدر بهتان
و کفر عظیم تصور اولنه ماز . عجبا بویله بر کتاب الهی تخریفه آجتسار
ایله مال نصاریه مخرف بر کتیب عینی حقیقتدر . دبه آنلرک پاکش بر
اعتقاده صاپالوب قالمالربنه سبب اولانلر ، یارین محکمه کبری ده حضور
رب العالمینه جواب ویرمچکلر ؟ عقابک نه درلو عذاب الینه مستحق
اوله جقلر ؟ تفکر اولنسون .

کلام اسلامینده ، دینه دعوت خصوصنده معامله جبریه نک ممنوعیتی
محتمله :

(لا اكره فی الدین قدین الرشد من الفی . . . الخ) آیت کریمه سی
موجبجه بر غیر مسلمی دین اسلامه دعوت خصوصنده جبر واکراه
ایله معامله ایتمک جواز ویرلمه مشدر . چونکه ، علی العموم افراد بشریه دن
هر برینک ادیان موجوده ایچنده بر دین ابله متدین اولماسی ، کندی
آرزوی وجدانیسنه تابع ، هله اسلامیتله مشرف بولماسی مطلقاً مظهر
هدایت ربانی اولماسنه متوقف بر مسئله اولدقنی شهیدن وارسته اولوب
بویله عشق درونی ، حب وجدانی ابله اوله حق بر مسئله نازکده جبر
و تحکمی اختیار ایتمک ، اقتناع ابله بوله کتیرمچکلر غیر مسامی ، منسوب
اولدینک دیندن نفیر ایتدیرمک دیمکدر . بر کره دین حق ، هیچ بر
وقت انسانیلر اوزرینه دین نامنه اجرا ایدیلن ظلم و وحشتی قبول ایتمه مشدر ،
وابده مز . بحق اجرای عدالت آمردر . آنک ایچون اسلامیتک بدایت
ظهورلنده اسلاف کرامز ، اوزمانک ایجابات سیاسی اولق اوزره
اسلامیتی توسع ایتدیرمک قوت و سطوتی اعلا ایتمک امایله مال غیر
مسلمه اوزرینه بالتسلط جهاد ایتمک مجبور اولمشارسده ، اوزرلربنه
واردقلری قومه اولایره هیت ناصحه کوندروبیا اسلامیتی قبول و یاخود
اسلاملرک حایه سی التنده جزیه ویرمکی تکلیف ایدرلرمش ، بو ایکی
تکلیف قبول ایدیلوب رد ایدلدیکی تقدیرده سلاحه صاریلوب حرب قرار
ویرلرلرمش ، حتی اسلاملرک حایه سنه النجا ابله جزیه ویرمکی قبول
ایدنلر ایسه ، اسلاملر طرفندن هیچ برینک برونی قانه مدینی کی کندی
دین و آیتلرلنده سربست بر اقبولوب نه عبادتخانه لرینه تسلط ایدلش ، نه ده حقوق
شخصیه لرینه تجاوزده بولنلمشدر . بومسئله تاریخ ، شاهد عادلدر .

اوحالده باغارلرک اسلاملره قارشی باغش اولدقلری مظالم وحشیانه
دکل اسلاملر ، اقوام غریبه میسانده کی عدالت پرور ارباب وجدان ،
افتخوان اولقدن وازچکه میه چکی شه سزدر . جه فائده که ، شو عصر
حاضر مدینده آنلرک وجدانی ، حقگوایانه ندالری ، بری طرفده اکثریت
اعتبارله آوکلش اولان غربک مفرطه عصیت ملیه و دینیه لرینی تسکینه

غاطه مولویخانه سنک اثنای تأسیس شده، سلطان دیوانیک استانبوله کلی، سلطان سلیم اولک دعوت مخصوصه هایونلری اوزرینه در .

غاطه مولویخانه سنک ختام انشاییله، جمعه کونی ایلیک مقابله مولویه بی اجرا ایدن مشارالیه سلطان دیوانیدر. سلطان دیوانی، قره حصار صاحبه عودت ایندکدن صکره، سلطان سلیم حضرتلریله مخاره و مکاتبه لری دوام ایتمشدر .

خادم المولویه

— آلت طرفی وار —

محمد ضیا

دستور

قوة قدسیه — حیات ملیه

بر قوه معنویه درکه ه الا ان اولیاء الله، نظم جلیله مظهر اولان مبتدی و منتهی هر بر سالکک آینه وجودنده تظاهر ایدر، لا کن قدر زر زر کر شناسد قدر کوهر کوهری مفادنه کوره بو عالم جسمانیته او قوه قدسیه بصریت ایله کوریه جککنه دقت لازمدر. آنک ایچون اهل تصوف قالدن حاله اهمیت و یرمشدر. مراتب سلوکده مزالتی اقدام جوق اولدینی ایچون مرشد مکمل مریدی ارشاد ایچون قوه قدسیه دن استعانه ایدر. شرع شریک معجزات انبیاء الله ایله طرق علیه کرامات اولیاء الله ایله عامه ناسه تأثیر ایتدیکی تنویرات معنویه شو بولندیغمز زمان فترده اعتقاد سزاق و دینه عدم مبالات و لاقیدی سبیلله کوشه نسیانه آنلیدیغنی کورنلر البته وجداناً متأثر اولورلرده اخوان دینی اسباب تدبیرن تخدیر ایدرلر . [وانا له لحاظون] قول کریمی اهل دینی اسلامایوس ایتزده قرآن حکیمک کوسترمش اولدینی طریق مسقیم سعادتدن انحراف ایدیلدیکنی حسن ایتدیگمز زمان اصلاح احوالمر ایچون بر انتباه حصولی قوه معنویه و قدسیه ک امدادی لازم اولدینی فرق ایتمک بر دستور عقلی و حکمت شرعیدر .

شو مقدماتی اجمال ایدن حکمت قرآنیه دن [قل هذه سبیل ادعوا الی الله علی بصیره انا ومن اتبعنی و سبحان الله وما انا من المشرکین] [۱] قول کریم سبحانیسی عالم اسلامیه وضع اساس سیاست و مدنیت حقیقی ایدن عقل کل محمدی آوار قدسیه سندن دیکلدر . زمان سعادت محمدین بو آنه قدر ملت اسلامیه ک مقدرائنده کوریلان تظاهرات قوه قدسیه و اهل توحید و بصیرتک هم قدسیه سیله متناسباً واقع اولدیفنه وقت بصیرتکارانه مشاهداندنر شخص معنوی ملت حیاتی محافظه ایچون طبیب معنوی به محتاجدرکه آنک تشخیص و تدابیری قوه قدسیه ایله ممکن اولور. قوه قدسیه بر قوت مشروعه درکه اهل بصیرت آتی

[۱] دی یامحمد بویم بولدر . الله یوله بصیرت اوزره دعوت ایدرم بن

مذکور درگاه پوست نشیناکننه تعیینی التماس بیوردقارندن اولا چایی جمال الدین و بو ذاتک وقوع ارتجالی اوزرینه متعاقباً برادری جلال الدین چایی افندی تمیین و اعزام قلنمه شاردر . هر ایکی چایی افندی مرادیه جامع شریفک قبله جهته شده مدفوندرلر . سلطان مراد خان ثانیکن زمان سلطنتی ۸۲۴ دن ۸۵۵ ه بمند اولوب سالف الذکر عادل پیر ثانی جلیبنک رحلتی ۸۶۵ ده در .

ابوالفتح والمغازی ، سلطان محمد خان ثانی حضرتلری اینه ، بتون معناییله محب و منتسب طریقت مدیقیه مولویه ایدی . قسطنطنیه ک توجه فتح و تسخیرنده ، قونییه پوست نشین ارشاد اولان جمال الدین بن عادل ثالث حضرتلریله مخبرات و مراسلاتی واردی . خاقان مشارالیه حضرتلری ، اکثراً چایی امیر عادل کرانها هدیه لر ارسال بیورمق صورنیله خصلت کزیده و قدر شناسیلرینی اثبات بیورلردی . چایی مشارالیه ک سماعخانه علیه انتقاللری (۹۱۵) تاریخده در .

مظهرک و لفتح ، اولان فاتح مشار الیه حضرتلری ، عهد قدیمه مراعتله امیر عادل چلبیدن منیب طریقه مولویه و عرقیه پوش اولدقاری زمان ، الناس علی ساوک ملوکهم فحواسنجه عامه رجال دولت چایی مشار الیه انساب ایتشاردی . حتی ، بدایت سلطنتده کی عهد قدیمه رعایه هر جاوس عقبنده تجدید عهد قدیم اولنهرق حتی شهزادکان جواختانه عرقیلر تکبیر ایدیلوردی .

فاتح مشارالیه حضرتلری ، بالاخره چایی جمال الدیندن تجدید عهد ایتشاردی ، اشعارده مخالص شاهانه لری (عونی) در . شهزاده مکرماری مخدوم صافی مشربلری سلطان یازید خان ثانی دخی محب خاندان مولوی اولوب باخصوص سالف الذکر جمال الدین چایی به ، فرط حرمت و نسبتی اولدیفندن ، انسال زکیه مولویه بی تطلیقاً و روان پاک مولانای تمبراً و صنادیق متبرکه آسودکان تربیه فردوس رتبه بی « تجدید و پوشیده لرینی کرانها و نظار ربا فاشلرله ، شالارله تزین بیورمشاردی . سلطان یازید خان ولی ایله عظمای کرامیاندن و اکابر مولویه دن عباپوش سالی نک مکاتبه لری واردی .

جامع خلافت اسلامیه اولان ، یاوز سلطان سلیم خان حضرتلری ، شام سفرینه کیدرکن ، قره حصار صاحبه اوغرامشاردی . او بلده قدیمده ایکن عظمای جلیباندن و اکابر شعرای مولویه دن سلطان دیوانی ایله کوروشمشار ایدی . بر کون اثنای مصاحبه ده ، سلطان دیوانی پادشاه مشارالیه حضرتلرندن، شامده ، مشهد مقدس حضرت محی الدینک تعمیر و ترمیمی رجا و التماس ، حتی مصر قاهره ، بد سلیم اول ایله تسخیر و حکومت چرا کسه نک قرین زوال اولوب مالک مصرک قبضه تصرفلرینه کچمککنی ده کشف و تبشیر ایشلردی .

سلطان سلیم خان ، سلطان دیوانیده مشاهده بیوردقاری اثار باهره عرفان و فضیلتی یک زیاده تقدیر بیورلردی . انتسابلری و عرقیه پوش اولملری مشار الیه سلطان دیوانیدر .

حکومت سالفه خه اتصافده اسکندر ماساندک مالکانه سه اولان